

19 oktyabr kuni Toshkent shahrida EBSCO Information Services,OOO "E-LINE PRESS" hamda O'zbekiston Milliy kutubxonasi hamkorligida "INFOLIB haftaligi" doirasida "EBSCO AWARDS UZBEKISTAN" taqdirlash marosimi o'tkazildi. **Ushbu marosimda Muhammad al-Xorazmiy nomidagi Toshkent axborot texnologiyalari universiteti "EBSCO Information Services resurslaridan eng ko'p foydalangan oliy ta'lim muassasasi" nominatsiyasini qo'lga kiritdi.** Marosimda O'zbekistondagi oliy ta'lim muassasalarining yetakchi professorlari, ilmiy-tadqiqotchilari, Axborot kutubxona muassasalari vakillari, ilmiy-tadqiqot institutlari xodimlari ishtirok etdilar.

O'tkazilgan ushbu yillik tadbir doirasida respublikada ma'lumotlar bazasidan eng ko'p foydalangan mutaxassislar ham aniqlanib, homiylik tomonidan maxsus sertifikat va qimmatbaho sovg'alar bilan taqdirlandi. **Jumladan, TATU Multimediya kafedrasida dotsenti, texnika fanlari doktori Baxodir Mo'minov "EBSCO Information Services axborot resurslaridan eng yaxshi foydalangan tadqiqotchi" nominatsiyasida g'olib bo'ldi.**

EBSCO Axborot xizmatlari (AQSH) kompaniyasi ilmiy va ta'lim muassasalarini axborot bilan ta'minlash sohasida dunyoda yetakchi hisoblanadi. EBSCO butun dunyodagi 1,5 mingga yaqin yirik ilmiy va universitet nashrlarining 1 milliondan ortiq yuqori sifatli elektron kitoblari va 100 mingdan ziyod audio kitoblarini taqdim etadi. Kompaniya jahonda nashriyotlarning elektron, ilmiy va o'quv resurslariga kirish uchun o'z xizmatlarini taqdim etish bo'yicha O'zbekistonda yetakchi hisoblanadi. Fanlar akademiyasining 120dan ortiq ilmiy markazlari va respublikaning barcha universitetlari AQSH, Kanada, Yevropa va boshqa mamlakatlarda chop etilgan 4000 dan ortiq ilmiy jurnallardan ma'lumot olish imkoniyatiga ega. Kompaniyaning ma'lumotlar bazalari o'nlab va yuzlab tadqiqotchilarga, shuningdek, ilmiy darajaga ega bo'lgan mutaxassislarga o'zlarining dissertatsiyalarini yuqori darajada tayyorlashga, o'qituvchilarni kasb mahoratini oshirishga, mamlakatdagi nashriyot faoliyatini yuksalishiga imkon beradi. Obyektiv statistik ma'lumotlarga ko'ra, so'nggi 5 yil ichida EBSCO Axborot xizmatlari bazasidan yuklab olingan maqolalar va kitoblar soni 10 barobardan oshdi! Bu yaratilayotgan ilmiy va ta'lim resurslarining sifatini oshayotganligidan, shuningdek, respublikaning ilmiy salohiyati yuksalishidan dalolat beradi.